

Bergen, 29.01.20

Vår ref. 104/20/EKE/5.7.1.3

Dykkar ref.: 19/1148 – 19/16774

Alver kommune

e-mail

ALVER (RADØY), TOSKA SØR – DETALJREGULERING FOR AKVAKULTUROMRÅDE

Visar til vår uttale av 31.12.19 til tidlegare Radøy kommune, om ovannemnde høyringssak.

På side 23 i planskildringa til detaljreguleringa som var til høyring, står følgjande:

«Vi har høyrte Fiskarlaget Vest i saka. Fiskarlaget seier i si uttale at det har vore god dialog mellom Nordhordland fiskarlag og Lingalaks i saka, og dei har ingen ytterlegare merknadar til saka utover at gamle fester o.l. må fjernast samt at ein må ha fokus på kva lusemiddel som blir nytta spesielt sidan ein ligg ved rekestrålfelt. Lingalaks, fiskarlaget og Fiskeridirektoratet region Vest var i dialog om lokaliteten i september 2016 og har i samråd kome fram til at omsøkt plassering kan akseptast i høve fiskeriinteressene.»

Med bakgrunn i dette antok ein at plasseringa av anlegget i detaljreguleringa som blei sendt til høyring i november 2019, var samsvarande med avtalt plassering i september 2016. Fiskarlaget Vest har derimot blitt gjort merksam på at plasseringa av anlegget ikkje samsvarar (sjå vedlegg). Uttala der Fiskarlaget Vest skriv at det har vore god dialog mellom Nordhordland Fiskarlag og Lingalaks er datert 06.02.17. Her viste ein til møtet og avtalt plassering i 2016.

Ein kan ikkje akseptere justeringa av anlegget slik den går fram av detaljreguleringa som var til høyring i november 2019. Dette med bakgrunn i at fortøyingane går inn i eit viktig fiskefelt for passive reiskap som òg er registrert i Fiskeridirektoratet sitt kartsystem. I tillegg tek fortøyingane større beslag i rekestrålfelta.

Fiskarlaget Vest ber om at kommunen tek omsyn til fiskeriinteressene i det vidare arbeidet.



Med helsing
Fiskarlaget Vest

Britt S. Instebo

Britt Sæle Instebo

Eirin K. Espeland

Eirin Kongestøl Espeland

Kopi pr. mail: Norhordland Fiskarlag
Fylkesmannen i Vestland
Fiskeridirektoratet region Vest
ABO Plan & Arkitektur AS